

四庫全書

集部

欽定四庫全書

集部

御製詩五集卷

五十六至
五十七

欽定四庫全書

御製詩五集卷五十六

古今體五十一首

庚戌六

登安福艫作

奢望古稀望竟酬

岱宗

闕里禮躬修

予庚子七月旬時即顯冀若蒙

天貺壽

惻然觀民風雖自矢敬誠然不免為奢望
茲來竟遂夙衷禮成迴蹕誠非常厚幸也
康彊八十叨

天澤安福今朝發御舟戒滿輦謙勉恒志吳江浙海憶
從頭幸哉到處民親愛博施去聲非難肯靳留

題舊作寶應雨景圖

國粘安
福艦中

壬午南巡遇時雨畫為寫照什為題故人忽爾如逢矣
齊地殷然却望之安得甘膏零夜舫即當沃野起春犁
迴瞻泰岱纔伸悃膚寸崇朝此重去聲溪

謁分水

龍王廟

原山朔遙本達充濟鴻功

漢書地理志泰山郡萊蕪縣原山汶水出西南入濟水經

所載亦同今汶上縣屬兗州府即禹貢所謂浮于汶達于濟是也

分水南而北

崇祠西向東

天然因地利

神貺藉人工

汶水分流濟運人但知明宋禮用白老人策其實因地脊自然形勢導為分流自

昔人皆不識惟老人能識之耳自明迄今漕運實資利濟近年東省疏濬支幹各河水櫃收蓄充裕汶河水勢

平穩毋容另籌宣洩仰荷神庥益深額手感謝

昔弱今流壯蒙

庥感莫窮

麥穗

前觀麥秀茲麥穗擺浪迎風兩岸坡濃綠杪芄飽眼界

微黃根染惜心窩

舟行見兩岸麥已結穗惜高厓距水遠者根微有黃色盼雨之心為之益

切昨命侍衛慶成詣濟南龍洞祈禱願望為期日十日內即沛甘膏庶麥收仍可不致有減耳

五迫盼澤曰今日昨過苟患失無所不至聖人語實括
包多

地黃反蘇軾詩意

舟中餘暇觀書消悶因詠其事

東坡詠地黃蓋述白居易二人胥佳材攄其牢騷意然

於理未明不免辭害義藥非芻秣物地黃藥之類白在

傷饑民

白居易採地黃者詩云與君歌肥馬可使照地光顧易馬殘粟救此苦饑腸以刺時也

蘇

譬熱中輩

蘇軾地黃詩首亦引居易語意云地黃飼老馬可使光鑑人末云顧餉內熱子一洗胸中

塵以喻熱中者也

喻刺莫弗可按事則乖戾馬之賢在德奚用

光照地即今天閑中少言萬千積一一飼地黃可知無

其事又如外馬厰幾萬難數計內外各蒙古盈谷匝川

騎此事從未聞此術實艱致夏蟲而語冰白蘇中去聲斯

議

人參反蘇軾詩意即用其韻

蘇軾小園五詠一為人參二即地黃地黃適已有
詠反其意至此詩謂上黨之參高於遼東則實高
下顛倒夫人所知不可無詩以正之其三則更不
屑言矣

卑遼尊上黨此見落井底蘇之詩與文別如酒與醴

蘇文

實高而詩則有出入且泥於樺至此
肯則顛倒是非矣故不可以不辨

唐宋限時代

吾宿不喜

宋詩若歐蘇之文何嘗不可
匹韓柳至詩則去之遠矣
故當卑格體長白迴靈區

三江湧巨泚

人參產遼陽吉林寧古塔諸山世珍為上藥蓋諸山皆發脈長白水則鴨綠混同愛

溥三江神阜鍾毓是產靈苗乃王氣悠長吉驗如上黨所產不啻凡卉今率不用其不能得遼參者或以黨參

代之而不成功用也蘊秀產神苗為諸藥祖禰上黨何足云持稗

謂貴米軾實通理者謬見何以啓物生各稟地難移種

根抵

如南方橘柚北方梨棗已不可移況人參乎上黨秦地也移秦參種之越地更形不通

秦越

移種之類以火為洗怪哉達生人謂貪生為去首稽末

即用其意觀其詩可知

驟雨

三月廿日

傍晚熾炎蒸東北油雲起昨遣禱

龍洞鑒誠或錫祉

昨長麟言濟南有龍洞向來地方官禱雨輒應即遣侍衛慶成前往處

致辨

香心希仰逮鑒佑邁沛甘澤

風催陣雨來來速去亦駛蓬船落簷

溜勢如不可止旋止望索然隄窪積寸水奚救麴麥哉
徒壓塵埃耳徹夜陰弗靈入辰大晴矣小慰益增愁
毫愧撫紙

題宋高孝法書合冊

宋帝率能書石渠藏屢有茲冊合高孝三希刻曾久幾

暇偶展觀謂昔鑒失苟全書蘇軾詩題識無其後

末批有御

書之印一並無款識

地黃昨闢蘇不復搞吟口但如馬喻身蘇宜

帝何取

軾自喻馬可也高宗身為帝無恢復之志書此詩自早以擬老馬是益可鄙也

書亦遜

賜岳

三希堂法帖中並有宋高宗賜岳飛手書清健流麗此頗不及

頗疑出偽手既成

弗可更遂過吾自醜

右高宗書蘇軾地黃詩

貞觀論為政隆興示恤民好專斥隋主戒怠勵諸臣

冊用

中那解忘讐失徒稱行孝頻

世之論孝宗者謂孝宗事高宗極其孝而光宗事孝

宗極其不孝天道好還不宜有此予謂人君之孝與庶人不同必當思及祖宗不失其業孝宗不思復中原報

國恥而區區於養志承歡之小節豈得為天子之孝詳見向著宋孝宗論左方記曾覲是書乃孝

宗書賜曾覲者美刺孰知真

右孝宗書唐太宗與張元素論政道語

冊中更有論賑事謂民安知吾心數語失之甚矣遇災施賑其有向隅之嘆引為已過察吏役之侵冒可耳民何罪焉書此以示救荒無善政

登光嶽樓即事

甲辰四疊十全成已有質言弗再賡

向登光嶽樓詩一
韻二首至甲辰四

疊韻已成十全是以有四疊欣成十全什合因
閣筆復賡無之句茲來因更拈別韻亦成例也城北城

中早實攷為光為望總虛名巖巖嶽氣鎮千古款款心

瞻申一誠副此為難茲竟副

予數年前每言至八旬正
壽時當躬謁岱宗祭

闕里以申虔謝夫古稀已為帝王難得之壽今予幸躋
八袞精力尚強茲來俱各成禮竟副夙懷實為上

蒼鴻佑惟當益勵度寅愛民勤政
以待歸政之期庶不負初心耳

益欽

天眷凜持盈

直隸總督梁肯堂奏報得雨詩以誌事

迎鑾舟次過津南遇雨因之馳駭驂卻與水途同日甘

幸其靈隴寸逾三

據梁肯堂奏由天津一帶查閱水營緯道於二十日行抵滄州地方自未

時起至戌時止得雨四寸晴霽日久得此膏澤滋培麥田大有裨益且是日雲氣濃厚雨勢必廣現在飛查各

屬另行 即茲遣請

神祠處亦沐霈膏沃野覃

前命慶成馳往濟南龍洞度禱二十日未時馳到即於

是日申時起至亥時得雨三寸並據長麟奏濟南東昌泰安曹州各府屬歷城等十八州縣均於二十日得雨

一二三四寸不等而是日駐蹕水營僅得驟雨一陣不過寸許盼望之心益切茲聞所奏慰與愧并應識為君

之難
矣

奏牘展觀艱措語一為慰矣一增慙

無為觀四疊舊作韻

復得叩

神宮深蒙

帝澤崇漕川資利物旗運總勤公清汶以濁衛無為乃
有功歷觀前作什例視送飛鴻

近作涇渭濁紀實一正向來注疏家之誤夫以者
因也經文明言涇水本清因渭水而濁原無難解即

如此地牕內汶水色清牕外衛水色濁自二水合流而汶以衛濁矣事理顯然亦一證也並誌之為攷古之助云

夜雨

三月廿四日

夜半忽聞雷須臾催雨來催來復催去能過那能迴久未片時閱深無一寸纔披衣凌曉望雲散益吁哉

即事

岱嶽

孔林禮畢修湍期無事發歸舟微霖繼祇微霖以半月來

望雨殷切乃昨二十日及廿四夜兩次陣雨俱一日深不及寸旋即為風吹散亟盼甘霖日深一日矣

於一日愁民若父親實堪念

每日舟行夾岸小民歡迎瞻就不啻億萬計且有隨

舟奔走十數里不止者尊親愛戴之情如君承此忍不益加渥澤俾得共享盈寧之福耶

天職益增羞何當優渥霑齊野可種禾希麥半收若日前即

得透雨可以及時播種大田麥收分數高處僅可得半即近水低處亦不能不稍減惟有顯懇吳蒼連施

自愧歉而已恩賜深

雲貴總督富綱奏緬甸國長孟隕遣使祝釐並乞

封號詩以賜獎

奉表前年施惠往請封今歲竭誠歸赤心那限萬里隔
黃詔從教舉國輝經事自惟老勝壯化民因識德羸威
內安外順胥

天佑益切屏營凜勅幾

詠洮石蘭亭硯

洮石雖然遜舊端質佳亦得伴文翰坐來賢主對嘉客
疑是羲之與謝安訝撫畫圖原述晉可知亭子得稱蘭

題斯景不一而足

內府所藏蘭亭硯入西清
硯譜者五方俱經題詠

摹帖永和

每慙

去難

遣悶疊丙申詩韻

自我過趙北麥苗青葱

二月二十一二過趙北口鄭
州一帶見麥苗茁青葱一

片以昨歲秋雨地
潤不至為望雨也

及至入齊境蔚眼綠益茂侵尋諸禮

畢歸舟趁順風既秀秀將實設雨仍期豐

自登舟始覺
望雨日甚一

日奈愆五日期不禁增惕忡遣悶翻舊稟明言鮮恒通

丙申東巡四月初旋蹕至德州其時亦因盼雨殷
切遣悶成吟有因思消息問理固鮮恒通之句
景况

如昔年祈澤計亦窮

東省麥秀頗早因雨澤愆期逮得而虞失與丙申景況正相似昨兩

次命慶成豐紳濟倫赴濟南龍洞度樹雖屢應而尚未得渥澤煩悶之情益難言鑒憐民苦矣

當責己恕不容忌順事誠順

造物之理以太順為忌現在內外諸事無不順適茲

緬甸既祝釐請封藩通市而南掌國亦遣使賁貢祝釐實感荷上蒼貺佑惟近以切盼甘膏悶懷莫釋與

予所以有不能去三日憂之論也

返躬益慚躬五字不成章何以副觀

農

題夏珪江山無盡卷

焦墨誰臻禹玉班別裁無盡見江山禪和即色即空界

高士不衫不履間千里孰尋原與妻一揮頓就往和還
漫嫌幅裏失題識神在真超形迹開

旋蹕至德州行宮疊丙申舊作韻

前宵微雨又非霑較以東昌尚覺纖

昨廿四夜微雨深不及寸較之前在

東昌水管所遇驟雨無風而勢密頗有蒸纖入土之望乃少頃即止仍不副願深為悵惜例是丙申

一心所遺來庚戌兩眉尖愁農今昔惟增愧望澤興居
那得恬舊作題楣試賡韻佩阿笑我此重拈

總督書麟奏報得雨詩以誌事

迎駕南來遂扈隨甫希時澤故應知

書麟於二月末至西陸店途次迎蹕

即令扈從至泉林於三月中旬諭令回任其時甫希雨澤書麟已知

豈期日甚愁於此却

閱雨雪報自其

據書麟奏於三月十八日回抵徐州一路查勘工程二十日行至宿遷地方自

申時得雨起入夜綿密滂沱達旦入土七八寸池塘積水優足不但二麥得此滋培更加芄碩并可翻犁播種藉水養秧民情歡慶且雲氣濃厚霑被必廣俟查明另奏等語是日正駐東昌水營傍晚風挾陣雨自東北驟至旋即催向西南彼侵斯即是東昌飛驟陣却當宿預

霑優施慙斯慰彼心無定慰少慙多苦訴誰

登舟

信宿德州駐登舟昔例同

自濟寧登舟由水程至德州駐行館再宿俾扈從衆人應乘官

馬者易直隸馬後仍登舟北行亦循昔年舊例也

望霖事有

似車外丙申兩次東巡經水路中

均以前雨殷懷通來情景愁正相似

觀麥惜無窮五日期仍迫連朝心益

忡催漕雖利用願且息微風

江西南山東一路水程多東南西南風旗丁謂之催漕

風蓋謂利於糧艘北上也今歲漕遲遄速現在抵通各幫較每年早至四十餘日而踴路所經望雨綦切每有雨勢輒為風催散摧其緩急有風不若無風之善耳

題舊寫玉蘭桃枝

三朶玉蘭十朶桃蘭陵舟次昔揮毫流陰廿八歲過隙

饒汝舟中香色牢

總督福康安奏報兩粵地方雨水情形詩以誌慰

近觀早象疑將信

自曲阜旋蹕後盼澤漸殷至濟寧登舟以米日甚一日始恐成旱設再數

日不雨則信旱矣

遙報豐形信轉疑兩粵春膏胥普被海隅麥

熟且先期

據福康安奏廣東省城南海番禺二縣自正月初二四日起至二十五七等日先後得

雨八次二月望前復得微雨四次至十九日霽澤普霑入土深透二麥菜子俱已成熟漸次收割均極飽綻南

雄詔州惠州三郡所屬等縣各於歲朝獲雪此外各府州屬稟報雨水次數與省邑大略相似其廣西桂林平

樂柳州慶遠泗城鎮安等府屬節次具報各得雨雪均極調勻春花暢茂可望豐收等語踵連西販

穀船至價賤東疆烟戶怡又稱東省會垣烟戶繁多全賴西販接濟現在穀船銜尾
而至市糧充慰矣畧虞言或飾復疑其果君難身歷久
溫價值甚平

方知

江蘇巡撫閔鶚元奏報雨水情形詩以誌事

安欽李春報獲雨否曾因即問江蘇前因署安徽巡撫布政使康基田奏

安省二月內先後均已得雨復於三月初旬連得對澤
念及江蘇自書麟奏報二月內得雨後又將一月其時

書麟由山東迎覲歸尚未抵任因馳詢閔鶚元江
蘇地方曾否續得雨澤令其迅速覆奏以慰廑念據稱

廿日霽霑有

茲據閔鶚元奏稱江蘇所屬江寧蘇州松
江常州鎮江太倉揚州通州等府州屬地

方於三月初六七及十一四十五等日各得雨二
三寸而二十二十一兩日大雨霽尤為霑足
即是東

昌驟過無

二十日駐東昌水營傍晚驟雨自北而大麥至旋即為風催過正江蘇得雨之時也

實成小麥穗水田澤積陸田濡

摺內又稱現在大麥結實小麥吐穗池塘充滿

亦得蓄水養秧於農田更為有益

淮徐憶及待續奏

又據稱淮安徐州海州等屬待陸續

稟佳信督臣早報吾

日前書麟奏回抵徐州一路至宿連地方於二十日得雨七八寸蓋

宿遷距行在不遠是以先行奏到而閔鶚元在蘇州較遠故未知此次淮徐之雨也

化城寺再疊辛卯詩韻

化城古寺運河濱建置求詳未可聞
逮此甫吟三疊韻

率因即陸鮮留文

是寺面臨運河六度南巡旋蹕至直隸境即遵陸路回京惟辛卯丙申及

此次東巡由水程取道天津回鑾方過此是以前韻甫經三疊

丙申斯一艤舟隄祝

壽曾因敬首稽

丙申三月恭奉
盤路經斯寺

慈寧謁

岱祝

申三月恭奉慈寧謁岱祝
輦路經斯寺垂吏收設祀殿經壇因

路便皮
致辨香

畫吏依然設法事

今歲地方官以予八旬正壽
亦於寺中集緇流誦經顯慶

此為誠請甘霖耳

望霖祇當喚鳩啼

片時禮拜登舟去多事齋陳翰墨筵綠麥秀齊正將實
倍因資雨意惶然

樸齋三架傍僧菴往事猶傳駐

御驂

康熙三十八年

皇祖南巡曾經此寺
書額賜懸傍有屋三椽即供
憩息之所

茲

覺軒亭增佈景不為生喜為生慙

臺灣提督奎林布政使萬鍾傑奏報生番虔請赴

京祝壽詩以誌事

生番巢內山化外教無頒靖逆嘉力助朝正厚賜還福

康安等帶兵勦捕臺灣逆匪林興文莊大田時內山生
番均知向化協同搜截俾兇渠不致漏網臺灣平定後
屋輦等社生番於五十三年臘月入覲朝正因優加宴賚遣還
路三胥羨社呼萬願隨

班茲奎林等奏北路之柳行等四社中路之八洞關等
四社南路之望仔立等四社共生畝頭目十二名懇
請赴京叩祝萬壽於三月
內風浪恬靜時內渡等語
雖曰弗闕政國威靈海眾

閱捷地減水壩

置閘緣蓄流設壩因減水其用雖曰殊同為漕運起弱
則蓄使壯盛亦減其駛操縱固由人而要在明理易其
閘為壩實自辛卯始
辛卯春直隸總督楊廷璋請於芥園地方建壩以脩宣洩盛漲因東
巡路便親臨閱視其地逼近天津城不可建壩命於上
游另擇善地迴鑿復經閘定將捷地閘改為減水壩並
落低數尺俾河水不待平槽即可預為減洩亦不致運
河水弱無碍浮送漕船復命裴曰修會同楊廷璋周元

理詳議妥辦今二十年來深資其利

憶從河決北幾致運廢矣

辛丑七月儀封北岸

曲家樓漫溢黃水分為二股一南流入南陽昭陽散山等湖連為一片仍入江南運河其一北流自趙王河至張秋入運是時黃水灌入三湖不免淤墊湖因之河流既弱不能濟運以致漕運艱阻四空遲滯

微迴空逮冬底漕川常不滿那更言及此竭力督飭之

昨秋復舊美

前以運河淺阻糧艘不能全數抵通屢有截留之事而迴空既遲又誤依期開兌北

行節次嚴飭河臣及巡漕御史熟籌疏濬並將東省支幹各河一律疏通微山湖水櫃遂較每年定誌一丈一尺外多收一尺浮送漕船通行無滯上年已復冬兌冬開之制是以今年抵通各幫較往歲早至四十餘日可見事在人為果能實駐舟茲一觀壩上微波醜是亦見心經理自有成效也

一徵事在人為耳

湖北巡撫惠齡奏雨水農務情形詩以誌事

三月澤連二月澤田疇高下總優施

惠齡奏湖北各府屬二月分及三月

上旬均各得雨數次高下田疇一律霑足農民及時耕耨稻秧已新出土二麥既得甘雨滋培復經春日晴暖

倍見長茂並有含苞吐穗者據各屬文報情形大概相同等語稻秧已出麥結穗晴實

資暄雨助滋

謂麥

誰識荆湖幸綏際正當齊趙望恩時

人情急近緩於遠我豈能殊益忸怩

詠和蘭玉棲霞圖

白玉如脂絕點瑕玉人追琢寫棲霞

按正韻玉王二字不同點在下者寶

玉字也點在中者煩玉許救息六三切玉工也

予原俗器付不顧斯却行宮肖

弗差

玉人每製新樣而其俗益甚素所弗取茲乃雕琢棲霞行宮之景頗覺雅肖仍欲售其三倍之計耳

暮詠朝遊昔覺暢山情水態此非遐避其惡去聲迺投其

好足見君難惕以嗟

知俗樣為所惡而改陶名勝以希鑒賞賈人之計良巧人君左右窺

伺好惡者正復相類為君之難即此可見

劉元起松亭鶴步

喬松密竹草堂陰獨立空庭夜未深莫謂箇翁饒寂寞

伴消明月有仙禽

舟中

舟中半月有餘過陣雨雖逢未霑沱

自三月十八日由濟寧登舟北來僅

於二十二二十四日兩次得有陣雨不過寸許

都道北猶南地勝

邇因盼雨煩悶刻難釋懷

詢之畫吏及扈從大臣等僉云自直隸吳橋以北已間段得雨數寸且上年秋霖深透土尚含潤較之迤南一帶地方為勝早晚若得透雨麥收尚不甚減

可堪今似昔年何

北地春雨兩難得此亦氣候

使然南巡東巡數次自此迎舟蓋無一次不望雨者

敢因經久視為慣祇覺當前

愁轉多舊集閒翻圖解悶怕觀雷在蹕旋哦

舟中翻閱舊稿以遣

閱懷丙申東巡甲辰南巡途中望雨情景與今歲相似而丙申以四月二十七日還宮即於是日甘霖大沛甲辰則於四月二十三日迴御園廿六日始得雨七寸茲敬願
吳蒼施惠日內早降甘膏不待旋蹕尤深額手感
祀耳

雲南督撫貴州巡撫各報得雨詩以誌慰

黔為遠矣滇尤遠春澤報來故合遲麥已待收禾茂長

暘胥協序雨稱時

據雲貴總督富綱雲南巡撫譚尚忠各奏稱滇省地方於春分前後宜晴

宜雨暘潤調勻膏澤所施雷聲時發地氣尤為通泰出郊察看高下田畝各項春種靡不暢茂蔥鬱二麥正在含苞抽穗蠶豆早熟已有入市售賣者各府州屬具報得雨次數亦與省城相似又據貴州巡撫額勒春奏貴

州山田居多水易消洩正二月間必得雨澤頻需蓄水
充足方與東作有益茲省城二月內節次得雨二十六
七兩日尤為深透各府屬稟報得雨四五次不等情形
與省城大畧相同田水各處充盈農民乘時播穀二麥
均已吐穗市糧價高原所幸渥優被下隰猶資疏洩宜
平苗民樂業等語

額手南觀共民慶但祈綏屢永如斯

題唐人倦繡圖

衣裳古雅容幽靜倦繡連娟態逼真名識便教失文矩

按嚴氏書畫記有周文矩倦繡圖是卷所寫人物豐麗
都雅迥異恒蹊雖名款無存而卷末錢選跋云唐人製
此本信不誣也精嚴法合出唐人

婦無公事休蠶織刺繡猶勝歌舞人拈出易詩精義邃

雪溪繪事故超倫

選跋云唐盛之時不事歌舞此開元所以成至治詩云婦無公事休其蠶

織又易云无攸遂在中饋此本深得易詩之旨云是
跋義蘊精深誠所謂藝也而進乎道矣畫譜載舜舉山
水師趙令穰人物師李伯時皆稱具體趙子昂
亦嘗從之問畫法此豈得以尋常畫史目之耶

雲貴總督富綱奏報南掌國王遣陪臣進貢祝八

旬大慶詩以誌事

南掌由來古越裳十年一貢例遵常

按大清一統志南掌古越裳氏地雍

正八年奉表入貢後五年一貢乾隆七年念其道遠定
為十年一貢嗣是恪遵朝典依期遣使茲據富綱奏南

掌國王召溫猛遣陪臣八整煥等貢表貢家並稱貢期
本在來年因今歲欣聞大皇帝八旬聖壽敬於職貢之
外另具蒲葉表文一道子家二隻以
申祝悃等語因先將表文譯出馳奏乃知八月八旬慶

慶祝九如九頌章

南掌表文有云欣聞庚戌八月大皇帝八旬萬壽慶洽普天歡騰中外小

臣遠居南徼未獲親赴闕廷泥首千叩謹具表文家隻
遣使叩祝伏願常調玉燭萬載清寧使小臣得永荷渥
澤曷勝頌禱云云
情辭極為恭懇 所遇何修

既有獨勅幾撫萬敬無遑昌黎歌操思深義益凜孰治
聲與孰荒

按昌黎越裳操曰我何意於彼為言無意求遠也又

曰孰荒於門孰治於田言當勤內治也所以頌先周
訓後世其意深遠矣昔曾選之唐宋詩醇嘉其措辭
簡而當茲南掌即古越裳於雍正八年始入貢蓋即
韓愈所云

厥臨孔威者耶至於不享其贄不臣其人雖閉關豫
防之意乎然以今時勢論之殊方畢來誠以祝釐
卻之不受豈不寒遠人之心嗇中國之氣既非招
致厚往薄來可也予昔評韓操意有所未盡故並

識於此

崇禧觀展謁六韻

旋蹕至天津

崇禧展謁申東巡蒙

昊貺時雨望心寅無德慙調燮有愁厓濕昀弗聽寬解

語

召見臺吏諸臣率言京南一帶土脉猶潤若五七日得有透雨二麥尚不致碍意在寬解予懷然不能因

之少

祥也祇覺忸怩身日五期誠迫寸膚靳實頻責躬虔九

叩尺澤救農民

策馬由天津府城至

海神廟拈香疊丙申詩韻

八旬策馬過城闌露冕因教悅萬民幼挈老扶依舊衆

叩瞻躍喜較先親所慙仍是昔年况

丙申東巡迴蹕至天津及戊申春巡

幸天津時俱以望雨殷懷與今歲情形相似為之慚悶致請殷希

神佑諄虔謁自慙誠不至覲稱曷

惠鑒誠真

至柳墅行宮即事一律

浮橋策馬過河濱
河上行宮綠柳循臺館
嫌看重去聲修

葺商民豫祝夥排陳

今歲長蘆鹽商等以予八旬大慶
豫設排當并有樓臺點綴以申祝

惴惴曰商衆設辨然商力豈非民力弗以為喜既成不

說愧一己適可修儀示遠人

適安南阮光平遣謝恩貢
使黎伯璫等至天津即令

於道旁馬前瞻觀降旨慰問
並於次日宴賓以示優眷

題壁舊辭何太似望霖如

例皺眉頻

海光寺瞻禮

八四
日月

浴佛日應禮祇園海光梵寺城南有出城騁望白茫茫

一線長隄水中走亦因去歲秋潦積不異今春趙北口

海光寺在天津城南門外其地窪下去歲秋雨過多積潦尚未消盡地方官於水中築堤一道始能達寺與春間所經雄縣至趙北口一線長嗟哉吾民被昏墊賑加隄二十餘里左右皆水頗相似

一再苦仍受為籌減壩豫洩漲復恐潮灌傷田畝茲以

被淹情狀深念小民昏墊之苦雖前已降旨於展賑之外復又加展一月而現在尚未全行涸出急籌消疏之法因命梁肯堂詳議是否可建減水壩以資洩漲據奏此處地勢低窪形如釜底向建五閘宣洩入海二月以前海河之水高於於內河慮其倒漾不便啓閘二月後海水漸落始提閘板放水若改建減水壩座恐遇海河水高不能隨時啓閉轉有倒灌之慮上年直省雨多衆水滙聚又有滄州青縣諸處減河下注深至數尺現屆海

河落低之時已將五關全行開放又於新開涵洞設法
疏消約四月底可以全行消涸等語因諭該督於現有
五關之外再添建關座俾得多為消洩即是則扞格進
有費帑金亦所弗惜總期於民間有益耳
退艱治河善策誠棘手佛固無心我有心和南為籲甘
膏宥叶低地弗雨庶速涸高地即雨旱方救叶左之右
之措意難方寸頃刻思紛糾萬民瞻叩萬乘尊萬乘尊
難亦知否

臨門賜食得句

岱高阜曲望符全

今歲八袞壽辰敬謁
此予十數年來夙願今仰蒙

闕里

吳

既竟克符望成禮
旋蹕資深額慶

信宿津門駐蹕便愁自登舟緣渴雨

予念切劬農每於課雨占晴心殷朝暮雖遊豫未嘗稍
間昨自濟寧登安福艦即盼甘霖以滋宿夢而兩旬來

尚未邀渥澤

厭他祝衷鬧喧天

自來巡迴蹕至津門衆商
等情深祝嘏點綴陳設衛

歌巷舞以效幽雅稱饒之誼畿甸繁庶億兆喧闐鑒衆
情之悅豫固所不禁然于方延佇沛霖為民心切即此

臨門食頃翹瞻雲彩卜度傍徨侍食臣僚奔走執投
之人皆所親見即阡陌農民亦久聞而熱信者耳 扈

來百辟應頒賜遣謝陪臣命廁筵

安南陪臣黎伯璫等
昨已瞻覲將自此遣

歸因令綴班與宴俾得仰見上國威儀且以知羣情愛
戴今日雖當燕樂心實不憚恐遠人見而生畏命其能

詩者和之足知予憫農憂勤歸國流傳
雖遠在遐邇亦當知予愛民之意也

雖聽聲歌心不

懌漫疑臨樂底忤然

再題柳墅行宮八景

柳徑

柳墅徑非捷仍當以柳名澹臺不由可張緒若為情異
麥能春奈同楊入夏清稱三如具數惟是愧淵明

石屏

尖者峭如筍圓兮矗若拳縱橫胥得勢磊落自成堅畫
弗丹青藉防疑隱躍然設通蔽之義切莫阻其賢

曲池

是地富於水引來可作池雖云綴景鑿却厭費財為何

必爲魚趣正愁禾麥時城南尚存潦疏洩又塵思

昨見城南

積潦一片尚未涸盡復深為軫繼因籌添建開座以資疏洩實以盼霖焦切日難釋懷都忘池館清幽之趣耳

橫橋

池以方圓度

池廣溪長池上不可架橋也

溪增曲折情橋誠脩溪用

溪必藉橋橫悟得相資理置他勝險評胎仙粟養熟其

上亦行行

偕樂堂

今府昔原州閭閻信富稠

天津在明時為衛國初因之雍正三年始改為州九年設

天津府閭閻日益繁庶為畿輔一大都會

行宮建已久駐蹕詠恒酬却是每

望雨又當虞失薺

丙申戊申駐此俱以望雨焦切茲來又值盼澤恐致麥收失望殊增愧惡

顧名曰偕樂返已獨含羞

播醇齋

一庭無百步各號有殊名古柳帶春色今人望雨情雖

循士民祝厭聽管弦聲仰視播醇額惟增抱愧悻

海棠廳

廳最斯園古由來稱海棠底須究厥始况亦過其芳綠
意不妨茂紅情祇合忘笑他癡滯者卻乃恨無香

校籤室

小憩片時間書齋綠柳間甫他四庫就仍此兩言顏懲

獎事難罷

四庫全書初開館時于敏中派陸費墀為提調辦理不善致滋弊竇而校對等又不盡心

校閱魯魚夾豕之誤觸手紛如不得不分別懲創並罰令原總纂總校等重加詳閱以期四閣珍儲胥為善本

支離率與刪若論親切句惟在念民艱



御製詩五集卷五十六

欽定四庫全書

御製詩五集卷五十七

古今體六十四首

庚戌七

天津啟程迴蹕之作

東巡歲事沐

天恩

予庚子七旬時矢願得選之年當敬叩

貳宗闕里茲幸東巡歲禮諸事

吳貺至八旬正壽

順成實仰蒙佑感激之深不能言喻

上蒼恩

適日愁心望雨煩祇以陪臣

至瞻覲卻聽商衆獻鋪敦

商衆等以今歲欣逢大慶巡蒞津門點綴排當歌舞以申

祝惻本非予之所喜因念安南遣謝陪臣黎伯璫適至
瞻觀當有宴賚以示柔遠之意亦遂聽之但過日望雨
殷煩尤覺喧闐每聞歌管翻嫌鬧乍喜歸帆漸遠喧不
敢如前陳宿願將從子矣笑無言至乾隆六十年予年八十有五即當歸政居寧壽宮以就頤養若能仰沐天眷或躋九袞即精力尚強亦當另行商議故不敢如昔歲之復存奢望
矣

盛京將軍嵩椿奏報得雨詩以誌慰

陪京常是獲豐收遇潦惜當戊歲秋平價地方彼價貴
盛京米價向比各省皆平各省之平價在盛京則為貴
矣是以前歲偶逢秋潦閭閻口食不無拮据因即降旨

出倉賑濟茲據嵩格奏立春以來雖經得雨尚未霑足
茲於三月二十日自辰至亥大霈甘霖又於二十四日
自辰至酉盛京及所屬各城普得透雨二麥
大田可望豐收糧價平減旗民無不歡悅 入倉緩納
出倉調力田豈似逢年好被澤茲稱時雨稠正值燕齊
愁待霈一為稍慰一增憂

題周文矩明皇會棋圖

明皇遺事寫南唐雜列朝簪縉與黃棋局當前未著子
如何布置且思量

放鴝亂局傳雜俎妃側親王太不倫

酉陽雜俎載明皇
夏日嘗與親王棋

貴妃立局前觀之上數子將輸貴妃放
康國獨子上局局子亂上大悅云云

善諱白詩猶厚

道良家女選入宮嬪

白居易長恨歌有楊家有女初長
成養在深閨人未識及一朝選在

君王側之句竟似太真由良家女選入宮聞者而陳鴻
所作長恨歌傳則云開元中深居道宴聲色自娛宮中
雖良家子千數無可悅目者乃詔高力士潛搜外宮得
楊元琰女於壽邸既笄矣進見甚悅冊為貴妃載紀甚
悉史鑑中亦均相合蓋居易托溫厚諱言
其事不知欲蓋彌彰豈能逃千秋之訾議哉

桐柏村行宮八景

孚惠堂

水淺因教趲陸程

由興福寺水營至桐柏村行宮中間
尚有寶筏營水程一駐蹕今歲因北

河水淺舟行不能迅速是以即
在興福寺登陸駐蹕桐柏村
午前行館駐巡旌為宣

量吏殷勤問孚惠災區受可誠

古芳書屋

書屋消閒一閱詩聖仙杜李偶廬思聖應堯蕩舜魏法
仙鄙秦皇漢武為

堯舜不用心於耕孟子所言亦有未臻者闢許行謂
堯舜不用己力於耕則可不用心於耕則不可蓋人
君一心為萬民性命之根本祈年恤災皆所為耕也

予於較晴量雨刻不能忘亦因耕耳不用心於耕可
乎身受其苦同民之苦之人必不為是不用心於耕
之言且后稷教民稼穡非堯舜之命乎為用心乎為
不用心乎因用堯舜事故及之當以質諸子輿氏

融春堂

昔以行春堂額融萬民和樂一心中清和旋蹕值茲
望雨憂民意正忡

心矩亭

聖人七十不踰矩我縱歲過勉正心矩者方乎正之屬
目應四勿裏思尋

寒碧逕

琅玕一碧拂寒颼行館亦應有所司欲笑子猷雖欲看

那能不問主人斯

世說新語載王子猷看竹不問主人語後世傳為佳話若行館有司事之

人雖有好事者亦不能逕至其地也

環勝齋

花石閒庭點綴環圖因信宿攬觀間豈知盼澤心方切

不為開顏祇絕顏

來青閣

借得香山兩字名

香山有來青軒

四鄰平野孰來迎青青者麥

方抽穗見此憂心倍覺繁

泛虛舫

臨水閒房肖舫為南華取喻昔名之有心則我無心彼
斯豈能虛卻厭斯

按莊子高士取喻虛舟無心者也為人君者敬

天愛民皆出於心尤不可不實偶一寓意則可耳

入南紅門

望麥生憐忘路遙渴霖一例益心焦

前歲戊申巡幸天津迴蹕時正值望

雨此番情事相同但彼時猶在三

月今已入四月中旬祈望尤切戊猶三月庚四月緩

計十朝迫五朝

蕪軾喜雨亭記有十日五日之語茲麥苗正在吐穗亟盼甘霖為期更不可緩

暫聚曉雲辰即散當年幼景老無聊門前憶此承

恩顧曾試神鎗娛

聖堯

康熙癸卯時年十二恭侍

皇祖幸南苑

嘉悅

迴憶已幾
七十年矣

南紅門行宮晚坐

一曉兩載眼

戊申自天津迴鑾駐
此瞥眼已閱兩載

八义五字哦昔今真

是幻憂樂亦云多已過細常檢

祖恩憶不磨看雲晚霽淨對月嘆如何

夜雨

眠枕霽無望聽簷溜有投五更潤四寸一雨遑千愁幾

旬似霑遍豫齊曾被不

山左暨豫省河北一帶通日亦
殷望澤此番之雨近畿當已普

遍而雲勢廣濶想像齊亦可同
露惟盼奏章馳至用慰縫懷

慰哉恐志滿益贊凜心

頭

雨中至團河行宮作

夜雨侵晨勢未止雨中引見慎釐工

今早起鑾之前正值吏兵二部帶領

引見人員維時雨尚未止

輕輿遂冒空濛發潤野平臨暗溢通一洗

愁腸拊巡舫又添吟興到行宮便宜較勝前番者先獲

天恩幾日蒙

北地春間每多望雨憶丙申東巡甲辰南巡迴蹕前望雨情形與此日無殊然丙申

則四月廿七日還宮即於是日得有透雨甲辰於四月廿三日還宮至廿六日始得雨七寸而此番將以四月

十五日還宮前三日已得甘膏渥
被仰邀天貺不覺欽感彌深

題璇源堂

鳳河入淀此源尋疏濬因教廣復深遂有堂齋樸以築
備斯來往憩而臨軒窗朗潤誠娛望筆硯精良正待吟
絜矩設如索名義歸根萬事曰由心

涵道齋

堂據前斯齋合後心為源則道當涵平臨止水閱今昔
亦不隨波任北南鳶自飛兮魚自躍上非二也下非三

偶因憑檻擣吟句
豈曰觀瀾契理談

翠潤軒口號

時霏細點未云晴
露綴林枝灑水晶
翠是本來潤新得
疎軒今日不孤名

鑒止書屋作歌

書屋兩言額鑒止
鑒止之義真切已
古希六帝同其三

勝三獨見元孫子

向為古希說曾攷三代下帝王年登七十者僅六六之中至八旬者僅梁

武帝宋高宗元世祖而三帝又皆未能五
世同堂如予之仰荷
天恩為最厚者
內安外順沐

天恩諸邦慶八旬駢底知止不殆應斯時然覺我心猶
未已安得九寓普三登更復年年綏以屢所求者多憂
合多書屋無言笑而矣

直隸總督梁肯堂按察使阿精阿各報雨詩以誌

慰

涿州六寸保陽五

梁肯堂奏於十二日由固安回省住
宿涿州是夜亥時雷雨數陣至次日

辰時雨勢未止入土實有六寸續據按察使阿精阿京
奏保定省城亦於十三日自丑至辰得雨五寸等語

縣迤南似遍霑未識豫齊澤何若早教馳問遞郵籤

山東巡撫長麟奏報得雨詩以誌慰

迤東被澤早於此

此間於十二日夜得雨方意雲勢寬

省於十一日已得甘霖勢甚滂沱覽奏稍慰惟是摺內止稱泰安府屬之泰安肥城及濟南府屬之歷城長清

陵縣章邱等處俱已一律深透其省西之東昌等府望澤之處曾否霑膏並未奏及不能不為馳念因復傳旨

詢其右霑膏念及他片刻心週數百里胥因農務慮如何

留京王大臣報雨詩以誌愁

南瞻畧愜矣北望尚疑哉

今日清晨雨中啓行北望雲勢稍薄即疑京城得雨未必

透待以酉時至雷稱一寸纔

酉刻據奏稱京城於十三日丑時得有雷雨至寅時

止勢甚綿密約計入土一寸餘

依然土膏渴空說麥根培

二麥正當吐穗之時渴待

甘膏方能結實有謂去秋雨多麥根尚屬滋潤者皆寬慰之辭豈足信

每日忽忽過愁原

勝慰該

乘輕輿至新衙門行宮作

潤溲平原路弗賒輕輿片刻至新衙非同塞外雪峯陟

向年木蘭園中雖遇雨雪馳獵如故每有詩

聊罷泥中獵騎遮

南苑率有小獵昨日雨後

途中未免泥溲侍臣請罷獵遂亦從之然實因長年矣

豈不蒐苗心尚喜其如支

屈力無加自惟方寸勿遷者終始憫農念敢差

題裕性軒

性誠欲其裕裕性亦云難兩字從來額八旬尚愧看無

私庶幾近有冀那能寬南渥北猶未

十三日南苑自子至辰得雨頗為霑

足並據總督梁肯堂奏是日涿州得雨六寸按察使阿精阿奏是日保定省城得雨五寸總兵繆布奏

西

陵風水周圍是日得雨四寸鹽政穆騰額奏天津是日得雨四寸是此次之雨畿南可稱普徧惟留京王大臣

奏北紅門至京城僅得雨二寸圓明愁眉仍舊攢團僅得雨寸許尚未深透殊為厘念

澹思書屋口號

年老率頻憶舊時舊時景故去如馳即今望雨增惆悵
此思去聲誰能令澹之

題養源齋

萬事由人理闢湖養水源

旁釣魚臺為金時舊跡其下多湧泉夏秋大雨時行並受

西山支流之水輒沮洳不便行旅壬辰夏因命芟葦剔泉濬而為湖於是香山新開引河諸水胥入焉復於下口建閘以資蓄洩以下分為二支一達阜城門護城河經正陽門而東一由外羅城經永定門護城河而東並入通惠河濟運甲午於臺側置齋顏曰養源以此湖利益綦大非尋常池沼遊觀之所可比也因之事
構築詎祇閱潺湲邇歲資濟運清晨偶託言有言多抱

愧望雨正心煩

迴蹕至御園疊戊申舊作韻

春光早送付巡船登陸連朝望雨旋稍幸畿南尺半渥

旋去聲愁京北寸餘傳

十三日之雨畿南各報四五六寸不等惟京城以北祇有寸餘愁仍

未解是以明早即親詣黑龍潭虔禱

慙無調燮安民術惟有彷徨責已

虔明曉

龍潭親詣禱霧浣優賜救農田

詣

黑龍潭祈雨

雨澤南優北欠充

神壇步禱敢辭躬黍禾稱種聲果看種

去歲秋雨過多
今春土甚滋潤

故黍禾早已佈種今皆
出土著葱益為望澤耳麴麥期豐惜失豐

二麥本期稔
收自春入夏

被旱即目下優霑
亦必減分數矣

渥霈或猶獲其半望雲未敢信乎中

憶曾

恩鑒頻叨惠不慙

去聲瀆祈冀

佑衷

雨四月十六日

過午仍看霽入申漸作陰雨聲墮浙漉雲氣佈浸沉惜

有半時止潤無一寸深謝祈難措意

是日甫詣龍潭祈雨迴

黑落

莫獨呻吟

大學士嵇璜重赴庚戌科恩榮宴詩以賜之

木天希遇兩恩榮茂茂前庚逮後庚祖節昔同唐真果

康熙初年閩藩耿精忠謀逆時嵇璜之祖永仁在浙闈總督范承謨幕中一同盡節平逆後優加褒贈擬之顏果卿真卿猶為過之蓋果卿真卿食祿服官自當致命遂志若嵇永仁僅為幕友即全身遠害亦為責備所不

及乃竟能矢志不移從容就義深堪嘉憫其子曾筠及孫璜兩世俱官至大學士天之報施忠義洵為不

爽身階今似漢韋平可知嚴慶緣修德所喜力行不務

名黃閣重逢錫褒什

進士傳臚後例賜恩榮宴從前大學士史貽直為康熙庚辰進士至

乾隆庚辰科尚在朝因重赴恩榮宴曾賜什以彰人瑞今嵇璜係雍正庚戌進士至今年庚戌科亦重赴是宴實為措紳希遇依例賜詩以為綸扉佳話云絲綸盛事紀皇清

西安巡撫秦承恩報雨詩以誌慰

季春下澍霈甘霖旋即晴明利麥深

秦承恩奏西安省城復於三月二十

七八兩日甘霖大沛甚為透足旋即晴明二麥得此正膏雨滋培豐收可必現在糧價中平地方極為寧謐

是齊郊渴雨亟

三月下旬正值東巡水程旋踰望雨甚殷之際未知西安已得透雨茲聞秦章

更覺優彼絀斯慰不敵愁耳

誰知秦地卜秋謔胥吾民也寧不慰蒿

近目乎愁切吟即此奏章批閱際望雲益復瞪勞心

發

勞出榜
巖經

微雨

四月十七日

昨朝剛及寸今日復微零人詡祈所感獨慙誠未

聽問雲雖報密數漏竟常醒曉起將升日怵心越不寧

山東巡撫長麟報雨詩以誌慰

八府誠霑足

據長麟奏東省於四月十三日自辰至午雷雨滂沱省城實為深透旋據濟南泰安

武定沂州兗州東昌青州萊州等八府所屬七十二州縣報稱得雨自二三寸至深透不等

四川報

未齊

惟登州曹州濟寧臨清等屬尚未報齊現在飭查續奏

果如昨所料

昨以梁肯堂奏

直隸景州一帶得雨不過一二寸料及接壤東省之德州臨清等處未必得雨今據奏果不出所料然濟南等

府俱已深透可不究幸旱斯暎市價日稱減

又據奏該省糧價於

十二日得雨後即已減落至十三日雨後麥價又復稍減亦以麥收可望市儉不致有囤積之弊耳

民情

秋可後月餘愁畧釋

自三月中旬在山東境內即為之心殷望澤今已月餘批閱來摺方

慰畧額慶敬彌躋

賦得金受礪

得全字五言八韻
覆試新進士題

五金鐵居一受礪用方全善喻商書始宜遵歷代傳剛

柔期有濟啟沃庶無愆殷帝資輔德傅巖作相賢他山

石攻玉細谷水增川禮

儒行

著廉隅訓史

梅福傳

因爵祿銓

及鋒原藉早莫挫要持堅虛已渴良弼彬然什此篇

浙江巡撫琅玕奏西塘沙漲及雨澤麥收情形詩

以誌慰

北坍南漲十餘年

海塘沙勢須南坍北漲則塘根鞏固
自壬辰以後漸覺北坍至庚子則北

岸漲沙盡卅今已幾
二十年時為繼念 默識

天心當轉旋已報沙痕漲西起

今據琅玕奏西塘一帶自潮神廟迤西至烏龍

廟於上年春間隨塘漲出陰沙約長五千七百餘丈寬自二百丈至一千五百九十丈不等經冬及春日漸高阜所有該處居民在上挑運馱載粗重物什業已堅實現在水勢趨南其南岸陰沙日漸坍卸而北岸自見日增因命費送炷香交該撫親詣海神廟虔申禱謝 亟希夏汛向東連總祈

神佑海恒晏敢恃人工堤已堅

庚子甲辰兩次南巡親臨海塘相視前後命將

老鹽倉迤西塘工改築為石復于章家巷迤西至烏龍廟接建石工雖足為重門保障之計然究賴神明佑護若茲近塘沙漲向東日寬則塘身益資鞏固庶可永慶安瀾矣 時若雨暘登二麥同

民額慶更夔然

陣雨

四月十八日

陣雨復霏晚須臾雲散馳三朝連有霽一寸總無滋那
助禾苗長將看麥穗萎憊言慰厭聽慙愧自心知

江西巡撫何裕城奏二麥收成分數詩以誌慰

西江重稻弗重麥

江西素稱產米之區近年來頗多種麥蓋多一夏收於間闕生計大有裨

益近歲方知勤夏收通計八分有餘獲

茲據何裕城奏通省產麥各屬

內收成八分者十九廳縣九分者五十四州縣合計麥收共八分有餘洵屬豐稔

亦資春末早

豐投卻憐此地吐穗際正盼優膏灌粒稠雲密雨微不成寸雖然日遇日增愁

青龍橋西

三朝陣雨不成寸

十六日親詣申刻及十七十八

黑龍潭祈雨自當日連獲陣雨俱

未及寸

神之靈應固自不爽而未獲優霑深用自責

二麥逮秋亟望霖或者靈

泉較潭速躬祈庶鑒渴

思心

春時積水滿溪田知潦秋霖致使然

二月初至此見田間積水贏滿蓋因

去秋雨多積潦尚未盡退今早重來則稻秧已潦退鱗
遍塍間為之畧寬縈系惟麥田則亟望甘霖耳
塍胥種稻對之愁慮略為蠲

大田雖種麥將熟即雨冀堪強半收左近固微較茲勝
前數日據順天府尹報京城及城迤南雖尚未十分霑
足然每日俱有一二寸不等較之此間猶勝麥秋將至
盼得透雨收成猶可
得六分以上
覲吟七字益增羞

詣玉泉山第一泉

龍王廟祈雨

靈泉佑京國億載荷

憑依昔每申虔請曾蒙

賜渰祁麥殷待秋熟未即盼霖霏肅叩

施甘澤代

天福帝畿

雨
四月廿二日

五朝逢陣雨昨日間
去聲晴暝雨自十六日於黑龍潭祈聲之後至二十日御園左

右連朝得有陣雨俱祇寸餘或未成寸是以今朝復至玉泉山靈泉祈請傍申雲勢頗重細雨霑灑至酉刻

復霽仍不及寸待澤之忱益殷盼切特詣靈泉請籲

恩涸壤勤傍申纔細霏入酉遂收雲一感一為愧誠不知所云

還宮傳臚御殿路由覺生寺祈雨之作

昨仍雨及寸而晴

三四月廿三日

曰感以誠愧亦誠去歲祇園

竟依例冀如灑道需盆傾

去歲五月中旬旬盼雨命皇子等在覺生寺設壇祈請閱七

日尚未沛澤適以御殿還宮敬詣壇所積誠默禱途中即獲霑渥今早亦以傳臚還宮依例詣壇虔請冀幸即

日甘霖優霈庶麥收可增分數

高地麥萎低地茂優霑分數去聲或猶增黍禾出土昏茫

綠益盼甘膏愁不勝

向南地潤總無塵

自廿二日詣玉泉祈雨後復連日未申間得有陣雨而城中較之御園頗

優是以今早蹕途所經向地一帶地土猶覺滋潤

小大霍膏實未均總似近

予處恩細

今據長麟奏蹕途所經臨清東昌德州各屬望雨之處俱已深透即連日京城迤南雨勢

較大而御園獨小感慰之餘惟深自責耳返躬責或靳施仁

山東巡撫長麟奏報全省得雨詩以誌慰

東優西欠渥仍為望

恩覃茲稱普以遍盖自北而南

據長麟奏省西省北德州等二十州縣雨未霑

足之處茲於十八日陰雲四合甘霖大霽德州等州縣
及從前得雨已足之各州縣均報得雨三四五寸至深
透不等蓋雨勢自北而南一律優霑已萎麥更茁灌漿
無復仍行望雨之處覽奏實為額慶
穗重聲合又奏東省各屬低窪地畝二麥本屬旺盛其
高阜處所自得雨後已萎麥苗復生新枝已
灌漿者亦結實飽綻將既慰舟中慮卻增筆底慙
來麥收實可無虞既慰舟中慮卻增筆底慙
武城夏津恩縣德州等地方俱係三四月間蹕路經過
望雨之處現在渥被甘膏一隅無遺誠堪慰念而
此間仍未霑足望澤尚殷批覽之餘轉增慙愧

直隸總督梁肯堂奏報二麥約收分數詩以誌事
去歲秋霖雖過甚卻因利麥種誠稠滿期十獲符全盼

可惜嗇三祗七收

直隸因上年秋雨充足民間種麥甚廣滋培茂本本期十分豐稔茲以冬

春雨雪未足祗據報收七分有餘殊為可惜

冬雪春霖胥致欠低優高歉普

牽酬

梁肯堂奏麥收分數順天保定河間正定永平宣化等府及遵化州易州趙州等屬約七分有餘大

名府及定州所屬約七分天津順德廣平承德等府及冀州深州所屬約六分有餘等語凡高阜之地雖覺歉少而低窪處所尚屬稍優通融核計猶在七分以上亦屬望出意外

市間麪價翻為減則

以豫齊通販舟

昨詢問順天府尹等據稱將來麥收分數不無歉薄而近日市間麥價轉覺稍

減蓋因豫齊二省去歲豐收商舟懋販抵通者頗多賴資接濟耳

西直門外

掄元諸禮畢返蹕御園居穗已結麴麥苗兼芄菜蔬秋

霖潤霑此夏雨正希予

去歲秋雨霑足故今春雨澤雖遲而地土尚覺霑潤至刻下二

麥正當結實之際盼望甘膏勢難再緩

不敢畧因慰瞻雲益起如

夜雨六韻

四月廿六日

滿擬如舊歲孤懷過昨朝

去歲仲夏以逾月未雨命皇子等在覺生寺設壇祈請中

旬還宮御殿躬詣

神壇默禱中途即獲甘霖御殿日

又雨昨廿四日以傳

臚還宮心殷盼澤依例詣壇虔祈

冀如舊歲不孤所望乃閱雨朝至廿六日夜半始得雨四寸餘雖被澤稍遲而神之靈感實深欽荷

雲徒半日作雨忽中宵聽到五更止掘看四寸饒灌漿

增麥穗潤土利禾苗山左膏知被

三四月間東巡迴蹕經過東昌臨清一帶

望雨頗切昨據長麟奏亦供得雨霑足可免廬念

畿南澤冀邀

今此雨畿南或亦被澤亟待佳

音之惟祈施惠博敢慶暫愁消

賦得石韞玉

得真字五言八韻庶吉士散館題

外英由內韞為學貴乎純賦以石藏美怪其言未臻蓋

宗韓子璞

韓非下和獻璞之說蓋自歎已不遇時設為此喻而不知玉無在璞之事陸機文賦沿蘇

其謬遂有石韞玉而徒費陸家脣明證和闐質影觀歲山輝之句徒覺詞費

貢真山輝尚微欠水潤乃稱珍

自西域底定和闐產玉之地人所共見其採之

山者質大而稍遜或雜石性然非璞包玉也採之水者質小而最良撈出人即識之從無剖之石中者卞和所獻若為良玉必出自水中安得有璞証以和闐之產卞和事真不足信卽古艷稱石韞玉皆駕說矣詳見向所著卞和那有包而隱常勞剖以頻喻文此誠獨修德更獻璞說

須醇曾著卞和說仍斯五字申
河南巡撫穆和蘭奏報二麥收成分數詩以誌慰

豫以麥為秋流通畿輔稠

豫省麥收為民食最重上年河南二麥豐稔商販流通現

在京畿麴價轉減實資其接濟也

云十

平聲見陸游老學菴筆記云轉平聲可讀曰謔白樂天詩紅欄

三百九十橋宋文安宮詞三十六所 春宮館鼂以道詩示我十年感遇詩 豈易得稱八郎中

收據穆和蘭奏各屬報到二麥約收分數復加確核查
豫省一百八廳州縣約收九分有餘者洛陽等四州
縣約收九分者滎澤等二十州縣約收八分有餘者祥
符等十五縣約收八分者杞縣等五十州縣約收七分
有餘者尉氏等十五州縣約收七分者林縣一縣約收
六分有餘者安陽等三縣合計通省收成八分有餘
時雨既已遍晚田並可耰澤早已霑足惟河以北三府
得雨較少飭委道員往查據覆稱懷慶衛輝兩府與河
以南相等彰德所屬雖三月後雨澤稍稀而二月前雨
雪亦已深透現又據彰德衛輝懷慶三府所屬各縣並
開封歸德河南南陽汝寧陳州許州汝州所屬具報於
本月十七八日得雨一二三四寸及深透不等現在高
梁早穀俱已出土得此膏澤滋培倍加暢茂晚穀雜糧
亦可於刈獲二麥之餘乘時播種等語
戴咨司牧吏課賦漫深求河南麥
收既稱

中稔恐地方官趁稔督納稅糧良
有司亦應體予惠養元元之意也

池上居

池上年年什今年得句遲東巡歸入夏半夜

詩有好雨知時節謂春雨茲孟夏廿六始霽
四寸餘斯已遲矣然旱而雨可知救時耳

惜偶臨那即怡繼斯希霈渥憑檻企予思

隨安室得句

福海中蓬島早吟卅景觀

蓬島瑤臺為御園一中連別室向用

隨安室之名顏之

於斯有別室亦久號隨安望澤常

敢即歡昔年恒覺易此日始知難昔在書室
頗易得茲臨
餘年之間量晴課雨常切殷憂隨遇而
安之事實不易得此亦為君之難也

待月樓

往年或游湖過望月上遲其時興勃然登樓

夏夜每於御園湖中泛月望後或登樓待之
以水風夜寒究非高年調攝所宜遂弗待月
一例罷之是以辛丑在山
莊亦有霞標弗待月之作
通來率教罷靜絕
眠養一身夙興理萬幾

賦得臨風舒錦

得文字八韻
朝考新進士題

平知時杜甫

既坐仍為

四十景之
丁重華宮

如起稍靈

古傳襄邑織蜀國獨超羣江水麗以濯冰蠶采得分臨
風占動靜舒體具氛氲里表雲霞燦城稱絲管紛明知
工女害那禁浣人勤籟助形無定颺翻聲有聞貝篇巷
伯刺步障石崇欣可識尚絢什闇然惡著文

山東巡撫長麟奏報麥收分數詩以誌事

歸舟過東省望雨早為愁各屬茲通計七分仍報收據

麟奏查得登州府本年春雨優足二麥本屬豐稔其濟
南等十一府州屬地處低窪麥苗均未受傷即高阜處
所自得雨後麥根之旁所生新苗亦多結實飽綻茲據
各屬稟稱二麥約收九分有餘者登州一府九分者青

延安之意
御五十

每待之年

目七旬後
即山莊亦

閒情馳早

彰定四庫全書

卷五十七

州萊州二府八分者濟南兗州二府濟寧一州七分者
泰安沂州二府六分者曹州東昌二府臨清一州五分
者武定一府通省牽算核計本年二麥收成約七分有
餘現在俱已刈獲其新生之苗亦漸成熟端陽節後即
可收割通省大田亦已播種齊全一律長發自四五寸
至八九寸不等穀豆亦俱出土一二寸至五六寸不等
秋成可期豐稔民情轉旋賴
寧貼市價平減等語

天佑餅餌惠民疇畿輔幸同等

本年直隸迤南府屬冬
春雪雨亦未優渥以致

高阜之地分數減少昨梁肯堂奏稱通省麥收牽計尚
可得七分以上是其情形與山東相等雖不獲上豐猶
可稱下
失中小得酬
稔也

命查勘山東直隸運河情形諸臣先後奏至詩以

誌慰

漕艘今歲早常年督飭功成已確然春末夏初雨因短

水微沙淺慮如前

起今歲南糧首進漕船已於四月中旬起却回空二進三進亦俱銜尾前進

計漕糧抵通較上年可早兩月此皆適年督飭諸臣疏濬之明效惟本年春末夏初踴路經過之東昌臨清德

州一帶雨澤未足恐汶河衛河勢弱依然有水微沙淺難資浮送之患因節次命李奉翰長麟梁肯堂等籌酌

疏通撥運各事宜務令幫船緊接北上不致遲誤為要

諸臣咨諭那辭屢運道疏

通無礙宣

近據李奉翰和琳奏東省未經得雨之先已飭令道員於銜河上源按照一日灌田二日

濟運之例妥為料理自四月十二三及十七八等日德州臨清東昌各屬連次得雨汶河水長三尺五寸暢出

南旺分水口並將南旺迤邐河北各開亮板塊等處清開
河有餘之水源北注衛河又於衛源古淺等處豫備
夫船隨時撈濬現在糧艘俱無阻滯又據長麟奏接奉
諭旨後即馳赴臨清武城夏津恩縣德州一帶測量籌
辦而梁有六尺餘連日增長五六寸其景州之珪紋古
底水本有六尺餘連日增長五六寸其景州之珪紋古
淺一處吳橋縣之石馬小伏鋪古淺二處已先經鎮道
各員築壩蓄水俱有水三四尺不等並令廣僱人夫設
有淺阻隨時趕緊創刮再量加築壩二道使河溜逼緊
沙無停滯其北運河一帶亦飛飭道將廳汛等員勤加
測探分段挑刮當頗幸弗為半途廢此心何事不宜專
不致有淺阻等語
年來籌辦漕運河道不遺餘力去年已復冬兌冬開之
制而今歲漕艘抵通更為迅速可謂著有成效若因雨
澤未足或致水道淺阻滯回空船隻誠為可惜是以
先事飭令諸臣設法籌辦茲據先後奏到毫無阻滯情

形可知事在人為惟本於人君之克敬克明然後能率
作興事以熙庶績近著書宋孝宗賜曾觀書唐太宗與
張元素論隋主好專之事鄙其徒特臣下之盡職以便
己之高拱自逸殊失致治之道即此漕艘逸行謂予專
勤細事可乎

端陽日作

端陽字弗六經見

大戴禮曰五月五日蓄蘭為沐浴此即後人以端午為令節之始而從未

有名端陽者至明高啟有端陽詩詩內亦未言所以名端陽之義

扶抑尋思理可鑽

始為

五月之卦一陰始生不可不戒故彖辭謂不可與長因思端午之又名端陽即謂為扶陽抑陰之意當亦有理
爾雅釋天云十月為陽蓋以六陰之月嫌於無陽謂之曰陽所以存陽也通其義於重午一陰生則正宜名端

陽四以寸霑仍望繼

今歲春夏之間雨澤未霑至四月廿六日始得雨四寸今又旬日尚

以繼霑為望

五當節至強上為歡

近仍望繼雨又當皇六子之事意頗不舒然以

大祀將近並不臨奠應節取吉亦強為歡而已

艾人桃印聊聽例雁陣龍舟頗

厭觀偶詠七言憑解悶實無一事適心官

西直門外

值齋復此返彤宸趁爽輕輿入帝闈宵雨重犢憐未成

寸石衢剛得不生塵

七成薺麥穗將熟兩樣黍禾苗却芑曰潤曰烜各殊盼

權其輕重望霖充

麥收時宜日烜禾長時宜雨潤今年麥收不過七成
禾黍雖種亟待甘雨昨夜微雨又不成寸權其輕重
仍望優渥

恩霖也

總督書麟奏安徽二麥收成分數詩以誌慰

邇歲南方知種麥

向來南省多種禾稻不以二麥為重近因蠶吏督課漸知廣種麴麥而安

徽毗連豫省種麥尤勤民食頗資接濟

歛因接豫用功勤奏來通省八分

欽定四庫全書

御製詩五集
卷五十七

二十四

獲據書麟奏報安徽二麥約收分數十分者阜陽英山
二縣九分有餘者黟縣青陽二縣九分者望江六安
等十四州縣八分有餘者懷寧無為等十三州縣八分
者歙縣績溪等七縣七分有餘者祁門等三縣七分者
鳳陽壽州等十三州縣六分有餘者巢縣宿州等四州
縣六分者靈璧一縣統計通省收成約有八分等語
足接青黃為慰云

浙江巡撫琅玕奏報春花蠶絲收成豐稔詩以誌
慰

一日批觀兩奏摺

浙江巡撫琅玕奏報春花蠶絲收成豐稔詩以誌慰

覽浙稱收麥更兼蠶

據琅玕奏浙省二麥收成杭州嘉興湖州寧波紹興五府屬計九分

有餘金華衢州嚴州溫州四府屬計九分台州處州二府屬計八分有餘統計通省麥收共九分有餘又奏杭
州嘉興湖州三府屬養蠶之處收成九分有餘統計通
省蠶收亦九分有餘等語該省麥收計比安徽較優兼
以蠶絲豐裕有闢民生衣
食不淺覽奏深為慶慰
慰我衣食資民計額慶維箴
戒滿談

湖北巡撫惠齡奏報麥收分數詩以誌慰

通省六十

作平聲

八州縣麥收合計八分餘

據惠齡奏湖北省各屬雨

賜時若二麥現已登場計麥收分數九分者十州縣八
分有餘者二縣八分者五十六州縣合計通省六十八
州縣麥收共八分有餘除此大田甫種之時適
得麥收接濟農民口食有資與情頗為歡豫
幸哉足

接青黃際慰矣真同黔赤如況復農時若暘雨庶其民

氣得舒徐邇來報檣多佳信

今歲江西河南安徽浙江等省陸續奏報麥收自八

分以上至九分有餘不等佳信頻仍批覽之餘益增欽惕弗敢心愉益惕予



御製詩五集卷五十七

欽定四庫全書

集部

御製詩五集卷

五十八至
五十九

欽定四庫全書

御製詩五集卷五十八

古今體七十一首

庚戌八

庚戌夏至

方澤禮成述事

厚德資生候一誠執

祀辰

安安蒙貺佑歲歲勗躬親五月符

祥數八旬受

惠身仍祈霈甘露與物共含仁

湖南巡撫浦霖奏二麥收成八分有餘詩以誌慰

湖南不以麥為重大吏課耕勤為

去聲

民湖南省土性多不宜麥向來種

植二麥之處止有二十四州縣通年大吏督課如茶陵武陵華容等縣亦知種麥計通省宜麥州縣共三十一

屬餘八分應號中稔屬三十幸獲皆均

據浦霖奏報麥收成分數相陰劉

陽等八州縣收成九分茶陵道州等九州縣八分有餘未陽鄧縣等十州縣收成八分華容武陵二縣七分有餘龍陽安鄉二縣收成七分統計各屬三十一州縣共收成八分有餘

屢綏處更資接濟

去年湖南秋成九分有餘實屬上稔茲當青
黃不接之時又得麥收接濟民食益臻充裕
利隰昀批摺不勝稱額慶惟虞志滿益增寅

啟蹕幸避暑山莊即事

避暑撰良往例循乘輿符望發清晨

每歲幸山莊啟鑾日必乘馬常云侍

八旬然後乘輿亦遵養之道應爾是以丁未詩有擬屈
八旬罷鞍馬侍之亦祇剩三年之句今已符望是以清
晨即乘肩輿而出生身祝慶來諸部

蒙古未出痘者謂之生身今歲西北新舊各蒙古以

至哈薩克因朕八旬大慶胥請偕來祝嘏情殊難卻但
念其中生身者頗多若令其進京不習水土必致出痘
予心有所弗忍是以令其由口外行走於七月內至山
莊行慶宴賚以示體恤遠人至意恭已蒙

麻速八旬無易由逢無曰苟有懷畏滿有增寅山莊侍
祖承恩地赤子心仍不失諄

過清河橋

去歲秋霖雖太過
弊中利在濟春禾

去歲直隸秋霖過多低窪處所收成

未免歉薄然田土賴其霑潤是以今年春末夏初雨水雖欠而麥收尚獲下稔未黍早得播種則弊在而利亦因之
耳即看橋下沙灘者依舊溶溶漾碧波

橋下春夏之交向每水小

茲乃東流如舊此即地土霑潤之驗

麥熟七分果七分

日前據直隸總督及順天府俱報麥收約有七分適蹕途詢之農民亦云

實有七分觀其場圃所積當為可信
圃場堆砌尚紛紜自惟過矣怨失望
春夏之交雨未霑足頗恐麥收失望大田艱
於播種今幸觀此情形覺前所慮未免過尤復曰幸哉
不負懃

夜雨纔霑四寸餘

廿六日

過旬盼繼又殷如卻看禾黍新

秧茁

今早既見麥收果有七分又見大田禾黍長發青
蔥據農民稱係廿六日雨後所種繼此甘霖續沛

即可預卜豐獲即目下尚不至待澤甚殷心懷似覺少慰
因覺心源得少舒

直言

人情物理熟喜少合愁多都曰宜收麥獨仍冀潤禾

自四

月廿六得雨後又經半月蹕途所見禾黍長發亟待甘霖侍從諸臣及地方吏皆曰麥收宜晴此蓋藉為寬解之詞究以早晚得雨為慰耳斯非圖衆異彼或有予阿五字直言託

瞻雲歎若何

雨
五月十四日

徹日為綿霪今年第一甘排空間去聲徐疾落澗恣泓涵

薺麥收已畢

收麥時恐經雨霪今年祇七成况率入倉矣

黍禾潤正酣京畿

可霑被馳問命郵驂

陝西巡撫秦承恩奏報夏禾收成九分有餘詩以

誌慰並書賜之

常慶麥收餘八分

今歲麥收各省報者直隸山東浙江
江西河南安徽湖北湖南已有八處

其多者亦祇八分有餘
至九分以上實為罕見

九分收實鮮曾聞忽來秦省佳

音報幸獲夏禾上稔殷

茲據秦承恩奏陝西夏禾約收
十分者咸寧等十五縣九分有

餘者孝義等二十九廳州縣九分者五郎等二十五廳
州縣除延安榆林綏德三府州節候稍晚尚未報齊以
上六十九廳州縣收成九分有
餘洵為上稔覽奏益深慶幸

昨歲前年災未逮

秦省
屢綏

無歉去歲冬雪優霑今春甘
雨時被實為萬姓慶幸無已

春霖冬雪澤猶勤西民為

去聲感何修遇戒滿應同爾我云

至避暑山莊即事

露重山田霽曉雲廣仁嶺過意增欣

城隍永額金甌固

熱河自物恬熙井里

皇祖締構山莊以來民

辰歲命升為承德府依祀典創建

城隍廟

每歲臨幸山莊必先親致辦香以祈保障

孔廟新排石鼓文

熱河既建立

文廟至此亦必躬親展謁去

冬就太學石鼓現存二百十字重排十章新製石鼓立

於戟門之前因念此處為惠遠詰戎之地亦命於文

廟購製排列用以昭武功而光文治

行慶今年萃中外

今歲八旬大慶自應於京城舉行慶

典以遠中外祝嘏之誠因念西北新舊各蒙古及哈薩克其中生身者頗多令其由口外行走於七月內至山

莊慶賀伴
抒忱悃

持盈一已最憂勤
髫齡敢忘承

恩地

祖訓聰聽尊所聞

永佑寺瞻禮

敬維

神御奉山莊義起亦為禮
所當詎料準

唱回

葉爾羌喀
什唱爾和

聞阿克蘇
四城

歸版籍新兼安

南甸

叙瀛疆

祖功

宗德資憑藉保泰持盈益勗慶宴賚生身遵

舊惠

皇祖時凡蒙古生身瞻覲者即不令其入京俱在駐蹕山莊之際宴賚以示惠卹遠人之意

在天應喜國威揚

寫心精舍

奉

御樓傍屋其名曰寫心寫心之義廣括於一字欽蒙

佑八旬歲五十五乍臨宇內獲小康邇外來盍簪

今歲八旬

大慶凡西北蒙古哈薩克及海邦朝鮮安南琉球暹羅南掌緬甸各藩服或親身或遣使俱將於秋間分至山

莊京師抒誠效祝世獲小康象呈大順
靜念祖宗眷佑能不益勵惕寅
慶祝出其誠匪

因招致尋此胥賴

貽庥逢豫惕不禁為政何所成為學何所堪用是益歎
然五字慎自箴

清舒山館

夏山經雨後古屋憩幾餘氣爽景增潤心清目亦舒由
他自今昔即此閑居諸耽詠依然我摘詞隨意書

頤志堂口號

志較

昔年自不同

承

歡難再願志無從今昔所以異也

茲閱

澤涯

泰田

秋稼

可期

則惟

自願

已志

耳
一欣一悵兩由衷試言即景茲來句都在前朝渥雨中

題文津閣

一年一詠例應循況值今秋慶八旬塞北瀛南度彼祝
益謙損滿惕吾寅雖然萬理書該古可識兩言行以身
豈不典謨熟背讀勉乎弗易曰知津

含青齋得句

春末秋初同望澤山原草色遜常年

初到山莊究以春間雨少山原草色

殊遜常年豐緝茲值透雨之後彌望蔚然頓與齋名相副

憑齋乍盼含青意一雨通

靈迅使然

留京王大臣報雨詩以誌事

望前得雨問京師

十四日自兩間房起程蹕途雷雨交作竟日疎密相間極為深透因廛念

京師馳諭留京王大臣令其速奏以慰企懷

今報通為四寸滋

先據王大臣奏十四日京

師自丑至辰得雨約有二寸其時勢猶未止因亟思仰慰予懷即先發報茲據續奏已午之交雨勢復加綿密

統計是日得雨共有四寸餘等語農田得此自必倍見長發然究不及關外之透足耳欣慰之餘仍深盼望

雖覺田間膏澤被究輸關外渥優施一欣一盼難為意

曰彼曰茲總切思卻見山雲常聚散幾去聲霑甘露普無

遺

古玉椀托子配以定瓷椀適然成詠

謂椀古所無托子何從來謂托後世器古玉非今材又

謂椀即孟大小異等儕孟大而椀小也說文及方言初無一定

哉盃為小孟語出許慎說文似有分別然揚子方言云孟宋楚魏之間或謂之盃是盃孟即一器兩書皆漢

話初無一定之見也然而內府中四五見其佳玉胥三代上承碗

實所諧碗托兩未離祇一留吟裁內府玉碗托子頗夥率以舊瓷碗配其碗

托本相附麗者僅一見乙巳年曾題句其餘覓配之亦足供清陪茲托子

古玉玉碗別久乖不可無碗置定窯選一枚碗足托子

孔園杓合以皆有如離而聚是理難窮推五字紀顛末

豐城別寄懷

煙雨樓對雨五月十九日

煙雨為名煙雨實高樓名實兩收乎乍疎或密胥宜句

豎灑橫排總入圖避濕看饒斯鹿野驅炎覺勝彼鴛湖
片時馳念闕以內曾否均霑損繾吾

對山齋自警

向西所對真山遠南面假山對近間近假遠真非正道
用人不可大宜閑

西峪

山莊駐五日西峪攬今朝雨後青山濯風前暑氣消老
松布濃蔭嫩草競新苗為想闕以內渥膏可逮遙

碧峯寺漫題

有寺卻無僧此意人知否艱得賜紫流

僧之通禪理者以賜紫為榮

得亦名利藪不如付碧峯面目本來有設問那開門曰
付鹿為守

味甘書屋

筠爐到處護花龕詎祇前三與後三荷露松泉無不可
莫來今日始知甘

有真意軒識意作歌

有真意與無盡意一在塞苑

此即

一昆湖

清漪園

曰有曰無

視若異其實一意本不殊真之為有近山耳盡之謂無
鄰水乎山水之趣會以意意弗在他原在吾復思真為
幻之對盡則大乖其恒模如是炙轂辨難悉高軒笑成
糟粕徒

題秀起堂

巖蹊平坦弗嶽岑遂至山堂坐以臨昨過景光延似昨
今來明秀起從今靜為用故塵無染心寄虛斯物不侵

夫既然應忘言耳何當把筆又成吟

振藻樓口號

初來草木色如淡數日之間濃蔚青此藻問誰能會得
振之胥賴雨稱靈

經畬書屋

書屋額經畬乘閒一憩諸雖然稱枕肱何有帶耰鋤心
沃原由此躬行每愧予

含飴憶背讀六十八年初

靜含太古山房

秀起堂之下山房號太古太古自靜含豈更待人語然
而山與房一靜契水乳安名與立字多說由人鼓失笑
把筆者斯復為何取

食蔗居

自東上西谷斯為食蔗尾至末益覺甘名居實因此設
西下東嶺路首必由是上下首尾間無定乃定理一切
有為法如幻其言旨

小許菴

十笏山房亦可居寧須大小較量渠試思君道合斯敬
訓著春秋繁露書

四川總督孫士毅奏報夏收分數詩以誌慰即書

賜之

西秦近報九分餘川蜀夏收又似諸

據孫士毅奏川省
稻田甚多雖賴塘

堰灌既究須雨澤滋培而山坡高地樹藝雜糧尤賴甘
霖溥被今歲自春徂夏屢獲優霑無復晴雨應時邇來
二麥俱已收穫完竣成都重慶順慶叙州夔州潼州嘉
定眉州邛州瀘州資州忠州達州七府六直隸州收成

均九分有餘龍安寧遠保寧綿州酉陽叙永三府二直隸州一廳均有九分雅州石砫一府一廳八分有餘理番一廳及茂州所屬八分統計通省麥收共九分有餘等語川省與陝西境壤毗連昨秦承恩奏陝西麥收九分有餘茲川省春木一律豐穰覽奏益為欣慰

兩省比鄰胥上稔萬民連歲慶

安居雖云富矣難言教

既富而教夫子之訓固當遵也然有父母之責者苟不存父母

之心則不以為獲利之區即以為立名之地如柳宗元種樹之喻所言長人者好煩其令民輟饗殮以勞吏且不得暇又何以蕃吾生而安吾性蓋其弊有必至於是不向批柳文曾詳著其義居今之時生齒日繁物價日長兼之長吏鮮有能實心愛養斯民者幸而地方連獲豐稔小民庶得平康若遽高言教化則其令更煩不誠有若宗元所言非以愛之實以害之者乎孫祇曰幸哉士毅為督撫中之賢能者自能善體予意也

稍救虛方伯載咨體予意畢謙戒滿漫驕如

題王原祁畫扇

扈蹕詞臣六法工
筵頭作繪

舜庭同歷多年尚精神
蔚值長夏猶想像中
野水倒明
山截崑幽齋深隱樹
龍蔥翹思

當日薰風意解愠
增予勗惕衷

漢玉小璧

小璧量惟三寸圓
中規肉好尚完全
設如執以朝端獻

一例耐金議那蠲

千尺雪二首

名山自合有名泉百里遙源導眼前

千尺雪於山莊行宮東北引武列水

為之武列水出察汗陀羅海距山莊二百里而羸流經固都爾呼達巴漢麓遂名固都爾呼河西南至中關東合茅溝河又南流合賽音郭勒水又西南與山莊東北之湯泉合三源既匯又西南流沿山莊東北歷鍾峯下行宮內亦有溫泉流出匯之於是始有熱河之名復東南流入藥河蓋藥河即濡水也酈道元水經注濡水又東南流武列水入焉者是也其所云三藏川合流之序叙述不無訛謬然以今考之三藏水即今固都爾呼茅溝賽音郭勒三源則熱河之為武列水無疑至或誤謂熱河為濡水之源其實熱河乃會濡水而非即濡水之

源也詳見向所作熱河能取諸人與為善良言即景子考及灤河濡水源考證

輿詮

驟雨纔過必絳雪如踰兩日雪仍瑤

每雨後山莊內西北諸溪水及武列

水驟漲挾沙而流水色微黃有如絳雪閱一二日水清色白原與茲景命名之義相合

今朝玉色

六花落知是千山暴漲消

題永恬居

玩水因之玩山入暇餘尋勝可言
蘆莎無塵土都含潤
松有涼颼解却炎
閱世昔今仍故我
勅幾得失自詳覘

小康五十五年度何莫非

恩錫永恬

素尚齋

素尚仰

奎文垂訓在敦樸樸者儉之鄰與

上聲

奢寧此篤仲尼云

克已老聃美知足詎祇修身尚政要不待卜然而今之
秋內外慶典縟等度奢儉間未免增自恣

創得齋

谷抱山環互吐吞入深佳境越堪論細琴

瀑泉

聽以度雲

棧濃蓋

松陰

張而進石門多有陳言泐閒壁那無新興引

高軒古希過又八旬至創得孰非

天地恩

夕佳樓口號

淵明五字衆知皆瞻額伊予別有懷乾九三爻曾示訓
當思惕若乃能佳

旃檀林

一嶺東西熟路通香林徐邈慧枝風恰因幽迥稱靜室
無事莊嚴調梵宮小憩渾忘今與昔隨觀懶辨色和空
咄哉語近談禪矣可識為君道不同

再題汪承霈畫二幅

別裁巧不涉纖新題句七旬忽八旬

戊申題承霈此畫
時年七旬有八茲

來重題則已躋八旬在承霈蓋寓祝
嘏之意而予康強如昔洵非易得

漫向箇中較六法

可知柏本壽為身

右古柏

書中畫復畫中書邱壑翻為壽字如是幅山水布置章
成壽字嘉其自出新意即書即法與古柏一幅並
畫巧不涉纖亦藝林中創見也試問千秋藝林者獨開
生面孰同諸

右山水

留京王大臣報雨詩以誌慰

關外優霑關內欠其零塵盼喜音馳兩番茲報蒙霽霈

五寸計深利秒籽

前據留京王大臣奏京城十七日得雨一寸餘因即傳諭如現在未經續

被甘膏著皇子等分赴黑龍潭覺生寺兩處虔誠祈禱如已得雨即速馳奏茲據王大臣等奏京城自十七

日得雨後倏陰倏晴時有微雨因俱不成分寸是以未
經具奏今於二十六日戌刻雷雨交作移時方止計有
二寸復於二十七日亥刻大雨傾注勢甚霽霈得雨又
有三寸卽驗入土分寸直接地下濕氣現在大田長發
之時已共得雨五寸極為
深透並無望澤之虞等語
幸堪期西南每晚雲容重普沃甘霖冀繼施
此間雖每日作雨但
不過一二寸霽夏之
時亦冀再渥優膏也

遊獅子園

獅子峯陰龍躍津邸園一豫趁清晨卻思始至甫六歲
忽過何期逮八旬內聖外王學胥慙

祖功

宗德訓曾親而今適百半九十歸政近哉勉惕寅

妙高堂

園中最高巖為堂則已古豈必遠言他七十四年處

予

歲時隨

皇考居

此閑

今七十四年矣

多半未知妙耳順不踰矩

謂六十也

乘閒每一臨亦常無欲觀忘物之未能

無欲觀妙在忘物為政者不可

忘物也終媿老氏語

草房口號

當年喜樸草房居黃屋無心堯帝如水趣山情仍若彼
堅鑽高仰祇勤予

宜照齋作歌

宜照之義已屢吟宜照之意常存心照人照物猶外耳
照失照得闕內諶與其務外應求內已之得失當細尋
博學守約孰為要克己復禮四字任入門書齋每一憩
循名責實聊自箴

玉岑精舍

精舍西北隅巖谷幽窈窕恐勞肩輿人所以來常少今
朝氣爽涼試一窮其妙叶行行歷深竒遇遇皆靜好坐
我虛明牕祺然肆懷抱尋思耽此佳或乖無逸道五年
歸政後斯乃娛吾老

山近軒

山莊無處不山近偏愛書軒名善循撫榻猶如坐屹嵒
開窓恒喜入嶙峋風來颯與衣襟爽日永靜依翰墨親
於得弗辭多尚我自嗤何怪世間人

古松書屋

書屋亦已多古松乃稱獨宇宙來所有對以一間屋屋
不啻仍雲松自如伯叔是誠忘年交蒼然滿心目安得
疏乞書攜來相向讀

雨六韻

六月初
二日

午熱雲蒸蔚申交雷漸鳴殷心佇庭盼片刻遂盆傾難
狀激揚勢惟聞瀉瀑聲山林乍如沐溝澮自然盈入土
不計寸祈年切感誠西南霖霏重澤願溥都京

大學士嵇璜八十壽辰詩以賜之

誕日原當六月初後移稱慶實謙虛

大學士嵇璜年亦八十實六月六日

生聞予為伊賜慶生辰不敢先予祈請移於萬壽節後嘉其悃誠俯允所請

還鄉未可便從

爾戀闕依然尚憫予賜馬賜輿堪贊閣

嵇璜數年前曾祈予告念其精

神尚健且朝中大臣亦無年長逾予者未經允准今年又念嵇璜雖經賞馬仍恐難於乘騎嗣後著已經賞馬而難於步履之大臣加恩准令乘坐小椅

曰來曰史未

懸車

從前大學士來保史貽直俱年過八十於其生辰各賜以詩因其神明未衰仍令如常供職是以賜

來保詩云皤皤元老多黃髮自是明廷大吉徵賜史貽直詩云聲望老臣需贊治名高漫擬即懸車嵇璜當即

依此

同庚待我歸政後南北應同林下居

予立願於八十五歲歸政

乙未林下戲題有擬號箇中者還當二十十年之句以今歲計之又祇餘五年嵇璜與予同庚可以待予歸政後同遂林泉之樂也

雲貴總督富綱奏報兩省二麥收成分數及雨水

情形詩以誌慰

夏收兩省九分餘渥雨頻霑高下畬

富綱前奏滇黔二省穀雨前後每旬

均得膏澤一二次麥苗俱極暢茂茲復據奏滇省於小滿前後天氣晴朗二麥登場深資曬晾及節屆芒種大田正資翻犁播種之時旬日內或陣雨頻霑或密雨連綿入土極為深透不特溝渠充滿即高阜處所亦俱積

水盈疇現在近河田畝栽插完竣高田並可一律耕種
齊全至黔省各州縣稟報得雨情形亦大概相仿其兩
省麥收分數通省牽算約計均有九分餘市集糧價本
不為昂又得麥收接濟價值益臻平減民情各極安恬
市價自然平賤里田間無不起耰耨敢云教化應加衆
地方當檢收之後既富而教亦事之宜然居今之時教
化亦豈易言苟司牧者或煩其令必致轉增苛擾如柳
宗元所云非以愛之適以害之者此意向屢言之
畧幸倉箱足慰子罇漏補苴
慎休養皞熙風豈易言諸

荷

遲放季逢夏上旬何妨不速見天真淨香雅色無邊際

原是弗孤六月春

南北何須較所居隨安遇節亦昌如一年一度會君子
擲筆笑予賢或疎

題澄觀齋

齋近東北門出門必此經面帶水濺滴背峙山峻嶒因
以額澄觀澄觀義可徵觀或屬之目澄具心之靈況此
每視事

每出惠迪吉門即
於是傳餐視事

恒虞乖政衡有為協中和無

逸存業兢

翠雲巖

戢香為容敷霍光吟難嚮像繪艱方靜觀似有勝斯者
試看山田禾黍香

色曰翠和形曰雲寓名巖樹兩平分幼齡閱到八旬歲

巖樹由來付不聞

道樹禪師云老僧不見
不聞無盡見傳燈錄

安遠廟即事

伊犁平定後建廟奉金仙

伊犁河北舊有固爾札廟彼地尊禮特盛我師平定伊犁

後因於山莊東北規度高阜之所肖固爾札之制修建是廟名之曰安遠鎮壓諸番部

衛拉特衆

蒙古皆重黃教故建是廟亦神道設教之義耳
奠安三十年信非初計料之西陲
初意非能逆覩事機必克奏績維時厄魯特諸台吉率
眾來歸力請大兵而喀爾喀之地勢又不可以錯處貽
患不若用其鋒而以偏師試之是以
禍旗命將之典
概未舉行乃籌事不過一年兵行不過五月大功既藏
而回中諸部亦以次戡定迄今三十餘年休養教寧與
內地臣僕無異實賴
昊倉篤佑
宗社鴻庥未
敢自詡為
翻益外徠駢
乾隆三十六年土爾扈特率眾
人力也
盡入版圖其餘如左右哈薩克東西布魯特霍罕安集
延瑪爾噶朗那木干塔什罕諸部亦悉向化抒忱至二
萬餘里之外聲教攸
聲教誠亟盛持盈祇悚然
同益非始念所及

野田

野田異初到廿日增佳象兩番霖霈靈

至山莊後於五月十九日及六

月初二日兩次得雨優霑禾苗日見長發

多稼苗助長徐騎一歷觀心目為

之爽拂風送漚鬱飲露潤漚沆再雨不為過消炎洩秋

枉

六月正當大雨時行之際既利禾苗且消炎暑況秋令雨多農家謂之潦穰轉以為忌若六月雨足並可

以洩秋金之氣也

昨閱京畿報雨接濕欠廣況兼酷暑蒸誠恐

曠耕壤慰弗勝愁切近遠損殊想

招涼榭

避暑應無暑招涼自有涼可知緣不定各得試其常叢

越含颺颺高峯佈蔭長適來觀穡事欲變夏雲黃

觀瀑

邇日覺炎意向涼偶來觀瀑得奇方試看拊拂飛銀慧
掃却熏燒十里強

觀斯屬目聽屬耳耳目誰能廢以偏設向六根評次第
經云六根眼耳鼻舌身意也靜觀合在靜聽前

雨六月初八日

六月原當大雨行時零分寸不臻成

邇日每有微雨不成分寸此番

五占

去聲

風之候

前於初二日雨
茲甫隔五日

卻是三先日以庚

後三日庚

申為中伏

繼潤毆炎真足快高溝低澮信皆盈優膏定已霑

關外益繾佳音報帝京

留京王大臣奏報得雨詩以誌慰

春末夏初近京旱幸而禾黍已生苗霑濡雖屢欠盈尺

霽霈何期報徹朝

留京王大臣奏京城自廿六七日得雨之後時或微雨不成分寸天氣炎

熱已覺望澤本月初七日酉刻雷雨大作直至亥刻稍止初八日卯刻又復大雨傾注入土共計七寸有餘現在尚未止點雲氣濃厚勢甚寬廣將未秋成可望有收不致減少分數等語京城前次得雨未透正為盼澤茲

得連朝渥霈可謂優霑覽
奏乃深欣慰益切惕乾

蘇槁榮姜農事起出藏減價

市風調不禁額手慰南望既慰益兢慎旰宵

江蘇巡撫福崧奏到二麥收成分數詩以誌事

收麥江蘇報應早易其宣撫到因遲

江蘇巡撫閔鶚元因狗庇高郵州吳

煥袒護蠹吏假印冒徵一案革職拿問因將福崧調任蘇撫福崧於五月初旬方經到任是以奏報較遲重

徵侵蝕屢為弊吏治役奸可不知

高郵之案正在審辦間復據福崧奏江寧

句容縣有書辦侵蝕銀糧至數千金一案該省書役舞弊執法自督撫以及府縣等竟置之不問吏治至此尚

可問乎是以不得不嚴加懲治以示儆戒補奏茲聞九分賸

福崧奏江蘇省二麥實收分數

內收成十分者溧水長洲等三十七廳州縣九分者上元句容等十五廳州縣八分有餘者山陽阜寧等八州縣八分者江浦安東等四縣七分有餘者豐沛等四縣七分者海州併所屬贛榆縣統計江蘇通省二麥收成實九分有餘等語 遐思如見萬民怡南巡六度輿情悉親切相

關更倍之

物魚亭捕魚口號自哂

聞西謂裏東謂外捕外之魚置裏河

園中西為內湖東為外湖每捕外湖

之魚置之內湖內外之見猶未能忘殊愧大公御物之道也

裏外分明人我別大公

御物愧為何

學古堂

學古額由

祖居今慙切孫幾曾窺津要惟是緬

堂恩十二躬何識

子年十二恭侍時祇習記誦之學

皇祖至山莊維

八旬行

去聲

勉敦永言何以報勤政愛黎元

綠雲樓題句

暑天雲易興更易在山谷林天春雲艱雨露乃稱綠
雲為寓名暑雲實所足而樓占斯寓較實應或惡實主

名為客茲誠盍不速作雨信不妨溽節方中伏藉洩秋

霖氣

通年秋稼每
因雨多失豐

宜暘萬寶熟

春好軒

每坐書軒必夏巡幾曾九十賞佳晨插瓶卻看芳蓮道
豈不相同六月春

含粹齋敬題

含粹由來無不包發揮試看六之爻敬窺

皇祖深乎易義見高齋妙合庖山峙川流詮地理雲行

雨施惠天苞五年佇俟歸政後體驗於斯化塞茅

霞標

峻宇霞標路迴修恐勞僕役弗頻遊卅年所得便宜者

書畫於中兩卷留

往歲至山莊待月霞標策馬遊山至辛丑以年踰古稀不復乘馬於是

今年弗試夜行鞭之句然當塞湖秋望仍復命棹至癸卯復念水風夜寒亦未如往例遂成塞湖弗泛月之詩繼取歷年遊山泛月諸什各彙書長卷並於卷尾仿高房山筆意各繪為圖每一展玩四十年中舊遊景象如

前在目

御製詩五集卷五十八